

vivas, et benedictionem participes : quæ, mihi crede, non mortem solum, verum etiam morbos omnes depellit. Sedat enim, cum in nobis maneat Christus, sævièntem membrorum nostrorum legem : pietatem corroborat, perturbationes animi extinguit, ægròtos curat, collisos redintegrat : et sicut pastor bonus qui animam suam pro ovibus posuit, ab omni nos erigit casu.

## FESTA SANCTORUM

*quæ infra Octavam SS. Corporis Christi occurrere possunt.*

DIE XXV. MAJI.

*S. Gregorii VII, Papæ Conf.  
Duplex.*

*Omnia de Comm. Conf. Pont.  
(87) præter sequentia.  
Oratio.*

**D**EUS, in te sperantium fortitudo, qui beatum Gregorium, Confessorem tuum atque Pontificem, pro tuenda Ecclesiæ libertate virtute constantiæ roborasti : da nobis, ejus exemplo et intercessione, omnia adversantia fortiter superare. Per Dominum.

*Deinde fit com. S. Urbani, Papæ et Mart. Añã.* Iste sanctus pro lege Dei sui certavit usque ad mortem et a verbis impiorum non timuit : fundatus enim erat supra firmam petram.



*V.* Glória et honóre coronásti eum, Dómine. *R.* Et constituísti eum super ópera mánuum tuárum.

**Oratio.**

**D**A, quæsumus omnípotens Deus: ut, qui beáti Urbáni, Mártiris tui atque Pontíficis, solémnia cólimus, ejus apud te intercessiónibus adjuvémur. Per Dóminum.

**In j. Nocturno Lectiones de Scriptura occurrente.**

**In secundo Nocturno.**

**Lectio iv.**

**G**REGORIUS Papa Séptimus, ántea Hildebrándus, Suánæ in Etrúria natus, doctrína, sanctitáte, omníque virtútum genere cumprímis nóbilis, mirífice univérsam Dei illustrávit Ecclesiám. Cum párvulus ad fabri ligna edolántis pedes, jam litterárum inscius, lúderet, ex rejéctis tamen segméntis illa Davídici eleménta oráculi: Dominábitur

a mari usque ad mare, casu formásse narrátur, manum púeri ductánte Númine, quo significarétur ejus fore amplíssimam in mundo auctoritátem. Romam deínde proféctus, sub protectióne sancti Petri educátus est. Júvenis Ecclesiæ libertátem a láicis opprèssam, ac depravátos Ecclesiasticórum mores veheméntius dolens, in Cluniacénsi monastério, ubi sub régula sancti Benedicti austeriórís vitæ observántia eo témpore máxime vigébat, Mónachi hábitum induens, tanto pietátis ardóre divínæ Majestáti deserviébat, ut a sanctis ejúsdem cœnóbii Pátribus Prior sit eléctus. Sed divína providéntia majóra de eo disponénte, in salutem plurimórum, Cluniaco edúctus Hildebrándus, Abbas primum monastérii sancti Pauli extra muros Urbis eléctus, ac postmodum Románæ Ecclesiæ Cardinális creátus, sub Summis Pon-



tificibus Leone Nono, Victore Secundo, Stephano Nono, Nicolao Secundo, et Alexandro Secundo, praecipuis muneribus et legationibus perfunctus est, sanctissimi et purissimi consilii vir a beato Petro Damiano nuncupatus. A Victore Papa Secundo Legatus a latere in Galliam missus, Lugduni Episcopum simoniaca labe infectum ad sui criminis confessionem miraculo adigit. Berengarium in Concilio Turonensi ad iteratam haeresis abjuracionem compulit. Cadalo quoque schisma sua virtute compressit.

**R.** Inveni David.

**Lectio v.**

**M**ORTUO Alexandro Secundo, invitus, et moerens, unanimi omnium consensu, decimo Kalendas Maji, anno Christi millesimo septuagesimo tertio, Summus Pontifex electus, sicut sol effulsit in domo Dei; nam potens

opere et sermone, ecclesiasticae disciplinae reparandae, fidei propagandae, libertati Ecclesiae restituendae, extirpandis erroribus, et corruptelis tanto studio incubuit, ut ex Apostolorum aetate nullus Pontificum fuisse tradatur, qui majores pro Ecclesia Dei labores molestiasque pertulerit, aut qui pro ejus libertate acrius pugnaverit. Aliquot Provincias a simoniaca labe expurgavit. Contra Henrici Imperatoris impios conatus fortis per omnia athleta impavidus permansit, seque pro muro domui Israel ponere non timuit, ac eundem Henricum in profundum malorum prolapsum, fidelium communiione regnoque privavit, atque subditos populos fide ei data liberavit.

**R.** Posui adjutorium.

**Lectio vj.**

**D**UM Missarum sollemnia perageret, visa est viris piis co-



lumba e cœlo delapsa, humero ejus dextro insidens, alis extensis caput ejus velare, quo significatum est, Spiritus sancti afflatu, non humanæ prudentiæ rationibus ipsum duci in Ecclesiæ regimine. Cum ab iniqui Henrici exercitu Romæ gravi obsidione premeretur, excitatum ab hostibus incendium signo crucis extinxit. De ejus manu tandem a Roberto Guiscardo Duce Northmanno ereptus, Cassinum se contulit; atque inde Salernum ad dedicandam Ecclesiam sancti Matthæi Apostoli contendit. Cum aliquando in ea civitate sermonem habuisset ad populum, ærumnis confectus in morbum incidit, quo se interiturum præscivit. Postréma morientis Gregorii verba fuere: Diléxi justitiam, et odívi iniquitatem, propterea morior in exílio. Innumerabilia sunt, quæ vel fortiter sustinuit, vel multis coactis in Urbe Synodis

sapienter constituit, vir vere sanctus, criminum vindex, et acerrimus Ecclesiæ defensor. Exactis itaque in Pontificatu annis duodecim, migravit in cœlum, anno salutis millésimo octogésimo quinto, pluribus in vita et post mortem miraculis clarus, ejusque sacrum corpus in Cathedrâli Basilica Salernitana est honorifice conditum.

**R.** Iste est qui ante.

**In tertio Nocturno.**

Lectio sancti Evangelii secundum Matthæum.

**Lectio vij. Cap. 24. d.**

**I**n illo tempore: Dixit Jesus discipulis suis: Vigilâte, quia nescitis qua hora Dominus vester venturus sit. Et reliqua.

Homilia sancti Hilarii Episcopi.

*Com. in Matth cap. 26.*

**U**t ignorantiam illam diæi omnibus taciti, non sine utilis silentii ratione esse sciremus, vigilare nos Dominus propter



advéntum furis admónuit, et oratiónum assiduitáte deténtos ómnibus præceptorum suórum opéribus inhærere. Furem enim esse osténdit zábulum, ad detrahénda ex nobis spólia pervigilem, et córporum nostrórum dómibus insidiántem; ut ea incuriósus nobis, et somno déditis, consiliórum suórum atque illecebrárum jáculis perfódia. Parátos igitur esse nos cónvenit: quia diéi ignorátio inténtam sollicitúdinem suspénsæ expectatiónis exágitet.

*R.* Amávit eum.

*Lectio viij. Cap. 27.*

**Q**UISNAM est fidélis servus et prudens, quem constituit Dóminus super familiam suam? Quamquam in commúne nos ad indeféssam vigilántiæ curam adhortétur: speciálem tamen pópuli princípibus, id est, Epíscopis, in expectatióne adventúque suo sollicitúdinem mandat. Hunc

enim servum fidélem atque prudentem, præpósitum familiæ significat, cómoda atque utilitates commíssi sibi pópuli curántem. Qui si dicto áudiens, et præcéptis obédiens erit, id est, si doctrínæ opportunitáte et veritate infirma confírmes, disrúpta consólidet, depraváta convértat, et verbum vitæ in æternitátis cibum aléndæ familiæ dispéndat, atque hæc agens hisque immorans deprehendátur glóriam a Dómino tamquam dispensátor fidélis, et villicus útilis consequétur, et super ómnia bona constituétur; id est, in Dei glória collocábitur, quia nihil sit ultra, quod mélius sit.

*R.* Sint lumbi.

*Pro S. Urbano, Papa et Mart.*

*Lectio ix.*

**U**RBANUS Románus, Alexándro Sevéro Imperátore, doctrína et vitæ sanctitate multos ad Christi fidem convértit: in illis Va-



leriánum, beátæ Cæciliæ sponsum, et Tibúrtium, Valeriáni fratrem, qui póstea martyrium forti ánimo subiérunt. Hic de bonis Ecclésiæ attribútis scripsit his verbis: Ipsæ res fidélium, quæ Dómino offerúntur, non debent in álios usus, quam ecclesiásticos et christianórum fratrum, vel indigéntium, convértil: quia vota sunt fidélium, et prétia peccatórum, ac patrimónia páuperum. Sedit annos sex, menses septem, dies quátuor, ac martyrio coronátus, sepúltus est in cœmetério Prætextáti, octávo Kaléndas Júnii. Ordinatióibus quinque hábitis mense Decémbri, creávit Presbyteros novem, Diáconos quinque, Episcopos per diversa loca octo.

Te Deum laudámus. 63.

In Laudibus fit com. S. Urbani, Papæ et Mart. Añã. Qui odit ánimam suam in hoc mundo, in vitam ætérnam custódit eam.

Ÿ. Justus ut palma florébit. B. Sicut cedrus Libani multiplicábitur.

Vesperæ a Capitulo de sequenti, cum commem. præc. ac S. Eleutherii, Papæ et Mart.

DIE XXVI. MAJI.

S. Philippi Nerii, Conf.

Duplex.

Omnia de Comm. Conf. non Pont. (115) præter sequentia.

Oratio.

DEUS, qui beátum Philíppum, Confessórem tuum, Sanctórum tuórum glória sublimásti: concéde propítius; ut cujus solemnitate lætámur, ejus virtutum proficiámus exémplo. Per Dóminum.

Deinde fit com. præc. Añã.

Dum esset summus Póntifex, terrena non méruit, sed ad cœlestia regna gloriósus migrávit.

Ÿ. Justum dedúxit Dóminus per vias rectas. B. Et osténdit illi regnum Dei.



Postea S. Eleutherii, Papæ et Mart. Añã. Iste sanctus. *ŷ.* Gló-  
ria et. 229.

*Oratio.*

**I**NFIRMITATEM nostram respice,  
omnípotens Deus: et, quia pon-  
dus propriæ actiõnis gravat, beá-  
ti Eleuthérii, Mártiris tui atque  
Pontíficis, intercèssio gloriõsa  
nos prótegat. Per Dóminum.

*In j. Nocturno Lectiones de  
Scriptura occurrente.*

*In secundo Nocturno.*

*Lectio iv.*

**P**HILIPPUS Nérius, piis honestis-  
que paréntibus Floréntiæ na-  
tus, ab ipsa ineunte ætate non  
obscura dedit futúræ sanctitátis  
indícia. Adoléscens, ampla pá-  
trui hæreditate dimissa, Romam  
se cóntulit: ubi philosophía, ac  
sacris litteris eruditus, totum se  
Christo dicávit. Ea fuit abstinén-  
tia, ut sæpe jejúnus trídium per-  
mánserit. Vigíliis et oratiõibus  
inténtus, septem Urbis Ecclesiás

frequenter visitans, apud cœme-  
térium Callisti in cœlestium re-  
rum contemplatiõne pernoctare  
consuévit. Sacerdos ex obedién-  
tia factus, in animárum salute  
procuranda totus fuit: et in con-  
fessiõibus audiendis ad extré-  
mum usque diem perseverans,  
innúmeros pene filios Christo pé-  
perit: quos verbi Dei quotidiano  
pábulo, Sacramentórum frequén-  
tia, oratiõnis assiduitate, aliisque  
piis exercitatiõibus enutriri cú-  
piens, Oratórii Congregatiõnem  
instituit.

*ŷ.* Honéstum fecit.

*Lectio v.*

**C**ARITATE Dei vulnerátus lan-  
guébat júgiter: tantóque cor  
ejus æstuábat ardóre, ut cum in-  
tra fines suos continéri non pos-  
set, illius sinum, confráctis atque  
elátis duábus cóstulis, mirabili-  
ter Dóminus ampliáverit. Sacrum  
vero fáciens, aut fervéntius orans,  
in æra quandóque sublátus, mira



úndique luce fulgére visus fuit. Egénos et páuperes omni charitátis officio prosequébátur : dignus, qui et Angelo in spécie páuperis eleemósynam erogáret : et dum egéntibus noctu panem déferret, in fóveam lapsus, inde páriter ab Angelo incólumis eriperétur. Humilitáti addíctus, ab honóribus semper abhórruit : atque ecclesiásticas dignitátes, étiam primárias, non semel ultro delátas, constantíssimerecusávit.

℞. Amávit eum.

Lectio vj.

**P**ROPHETIÆ dono fuit illústris, et in animórum sénsibus penetrándis mirífice enítuit. Virginitátem perpétuo illibátam servávit : idque assecúsus est, ut eos, qui puritátem cólerent, ex odóre ; qui vero secus, ex foétóre dignósceret. Abséntibus intérdum apparuit, iisque periclitántibus opem tulit. Ægrótos plúrimos, et morti próximos, sanitáti

restítuit. Mórtuum quoque ad vitam revocávit. Coeléstiúm spirítuum, et ipsíus Deíparæ Vírginis frequénter fuit apparitíone dignátus : ac plurimórum ánimas splendóre circumfúsas in cœlum conscéndere vidit. Dénique anno salutis millésimo quingentésimo nonagésimo quinto, octávo Kaléndas Júnias, in quem diem incíderat festum Córporis Christi, Sacro máxima Spíritus exultatíone perácto ceterisque functíonibus explétis, post médiám noctem, qua prædíxerat hora, octogenárius obdormívit in Dómino. Quem Gregórius Décimus quintus miráculis clarum in Sanctórum númerum rétulit.

℞. Iste homo.

In iij. Nocturno Homilia in Evang. Sint lumbi. de Comm. (120) Pro S. Eleutherio, Papa et Mart.

Lectio ix.

**E**LEUTHERIUS, Nicópoli in Græcia natus, Anicéti Pontíficis



Diáconus, Cómmodo imperatóre, præfuit Ecclésiæ. Huic initio Pontificátus súpplices lítteræ venérunt a Lúcio Britannórum rege, ut se ac suos in Christianórum númerum reciperet. Quámobrem Fugátium et Damiánum, doctos et pios viros, misit in Británniam, per quos rex et réliqui fidem susciperent. Hoc Pontífice Irenæus Polycárpi discípulus Romam véniens ab eo benígne accéptus est. Quo tém-pore summa pace et quiéte fruebátur Ecclésia Dei: ac per totum orbem terrárum, máxime Romæ, fides propagabátur. Vixit Eleuthérius in Pontificátu annos quíndecim, dies viginti tres. Fecit Ordinatiónes tres mense Decém-bri, quibus creávit Presbyteros duódecim, Diáconos octo, Episcopos per diversa loca quíndecim, sepultúsque est in Vaticanó prope corpus sancti Petri.

Te Deum laudámus.

In Laudibus fit com. S. Eleutherii, Aña. Qui odit. ʒ. Justus, ut supra. 238.

In ij. Vesperis fit com. sequentis et S. Joannis, Papæ et Mart.

DIE XXVII. MAJI.

S. Mariæ Magdalenæ de Pazzis, Virginis.

Semiduplex.

Omnia de Comm. Virg. (128) præter sequentia.

Aña. Veni, sponsa Christi, accipe corónam, quam tibi Dóminus præparávit in ætérnum.

ʒ. Spécie tua et pulchritúdine tua. ʒ. Inténde, próspere procéde, et regna.

Oratio.

**D**EUS, virginitátis amátor, qui beátam Mariám Magdalénam Vírginem, tuo amóre succénsam, cœléstibus donis decorásti: da, ut quam festíva celebritáte venerámur, puritáte et caritáte imitémur. Per Dóminum.

Deinde S. Joannis, Papæ et